

Confession Scriptures

एज्रा 9:7 हमारे पुरखन क समइ स अब तलक हम लोग बहोत जियादा पाप किहा ह। हम लोग पाप किहा, एह बरे हम, हमारे राजा अउर हमारे याजक दण्डित भएन। हम लोग बिदेसी राजा लोगन क जरिये तरवार स अउर बन्दीखाने में धाँधे जाइ तलक दण्डित भएन ह। उ पचे राजा हमार धन लइ गएन अउर हमका लज्जित किहन। इ स्थिति आजु भी वइसी अहइ।

एज्रा 9:13 जउन बुरी घटनन हमारे संग घटिन उ सबइ हमार अपनी अपनी गलतियन स घटिन। हम लोग पाप क करम किहे अही अउर हम लोग बहोत अपराधी अही। मुला हमार परमेस्सर, तू हम क ओहसे बहोत, कम दण्ड दिहा ह जेतना हम मिलइ चाही। हम लोग बड़े भयानक करम किहे अही अउर हम लोगन क एहसे जियादा दण्ड मिलइ चाही। अइसा होत भए भी तू हमारे लोगन में स कछू क बन्धुवाई स अजाद होइ जाइ दिहा ह।

नहेमायाह 9:2 उ सबइ लोग जउन इस्राएल में जनमा रहेन, उ पचे बाहेर क लोगन स अपने आप क अलग कइ दिहन। इस्राएली लोग खड़े होइके अपने अउर अपने पुरखन क पापन क कबूल किहन।

भजन संहिता 24:3,4 यहोवा क पहाड़े क मन्दिर में कउन जाइ सकत ह? कउन यहोवा क पवितर ठउर में खड़ा होइ सकत अउर आराधना कइ सकत ह? 4 अइसा मनई जउन हाथन क साफ किहे ह, अइसा मनई जउन पवितर जीवन क अगुवाई करत ह, अइसा मनई जउन मोरे नाउँ क प्रयोग कइके दूसर बरे गलत नाहीं किहे ह, अउर अइसा मनई जउन झूठ न बोलेस, अउ न ही झूठा वचन दिहेस ह। बस अइसेन मनई ही हुआँ आराधना कइ सकत हीं।

भजन संहिता 73:13 तउ मोका आपन हिरदय क पवितर रखइ क का लाभ अहइ! आपन में डूँडे क निर्मल रखइ क का लाभ अहइ!

यसायाह 59:2 किन्तु तोहार पचन्क पाप तू पचन्क परमेस्सर स अलग करत हीं अउर इहइ बरे उ तोहरे पचन्क तरफ स कान बन्द कइ लेत ह।

यसायाह 64:6 हम सबहिं पाप स मैला अही। हमार सब 'नेकी' पुरान गन्दे कपड़न स अहइ। हम झुरान मुरझाए पतन स अही। हमार पाप हमका आँधी स उड़ाये अहइ।

यिर्मयाह 5:25 यहूदा क लोगो, तू पचे अपराध किहा ह। एह बरे इहाँ बर्खा अउर पकी भइ फसिल नाहीं अही। तोहार पचन्क पापन तू पचन्क यहोवा क ओन नीक चीजन क भोग

नाहीं करइ दिहस हा

होसे 13:8 मई ओन पइ उ रीछनीं क तरह झपट पड़ब, जेहसे ओकर गदेलन छोर लीन्ह गवा होई। मई ओन पइ हमला करबा। मई ओनकर छातियन क चीर फाड़ देबउँ। मई उ सेर या कउनो दूसर अइसे हिसंक पसु क तरह होइ जाबँउ जउन आपन सिकार क फारिके खात रहत होत हा”

दानियेल 9:8,9 “हे यहोवा, हम सब क लज्जित होइ चाही। हमरे सबहिं राजा लोगन अउ मुखिया लोगन क लज्जित होइ चाही। अइसा काहे अइसा एह बरे कि हे यहोवा, हम तोहरे विरुद्ध पाप किहे अही। 9 “किन्तु हे यहोवा, तू दयालु अहा। लोग, जउन बुरे करम करतेन तउ तू ओनका, छमा कइ देत हा। हम असल में तोहसे मुँह फेर लिहा हा

मरकुस 9:24 तुरंतहीं लरिका क बाप चिचिआन अउर कहेस, “मई जरूर बिसवास करत हउँ। तू हमार अबिसवास हटावा।”

लूका 11:2 एह पइ उ ओसे कहेस, “तू पराथना करा, तउ कहा: ‘परमपता, तोहार नाउँ पवितर होइ, आवइ तोहार राज्य (मती 6:10)

यूहन्ना 14:6 ईसू ओसे कहेस, “मई रस्ता अहउँ, सच्चाई अहउँ अउर जीवन अहउँ। मोरे बगैर कउनो परमपिता क लगे नाहीं आइ सकत।

यूहन्ना 17:15 “मई इ पराथना नाहीं करत अही कि तू ओनका दुनिया स निकार द्या, मुला इ बरे कि तू दुष्ट आतिमा स ओनकर रच्छा करा।

याकूब 4:8 परमेस्सर क लगे आवा, उहउ तोहरे लगे आवइ। अरे पापियन, आपन हाथ सुद्ध करा अउर अरे संदेह करइवालन, अपने हिरदइ क पवितर करा।

रोमियन 6:12-14 इही बरे तोहर नास होइवाला सरीरन क उप्पर पाप क बस न चलइ। ताकि तू उन चीजन का गुलाम न बना जेका तोहार पातकी अहम चाहत हा। 13 अपने सरीर क अंगन क अधर्म क सेवा क बरे पाप क हवाले न कर बल्कि मरा हुवन में स जी उठइवालन क समान परमेस्सर क हवाले कइ द्या। अउ अपने सरीर क अंगन क धार्मिकता क सेवा क साधन क रूप में परमेस्सर क हवाले कइ द्या। 14 तोह पे पाप क सासन न होइ काहेकि तू व्यवस्था क सहारे नाहीं जिअत अहा बल्कि परमेस्सर क अनुग्रह क सहारे जिअत अहा।

इब्रनियन 9:28 तउन वइसेन मसीह क, एकइ बार कइयउ मनइयन क पापन क हरि लेइ क बरे बलिदान कइ दीन्ह गवा। अउर उ पापन क बहन करइ क बरे नाहीं बल्कि जउन ओकर बाट जोहत अहई, ओनके बरे उद्धार लियावइ क फिन दुसरी दाई प्रकट होइ।

1 यूहन्ना 1:9 जदि हम आपन पाप क मान लेइत ह तउ हमरे पापन क परमेस्सर छमा

कइ देत ह, परमेस्सर बिसवासनीय अहइ, अउर उ जउन करत ह उ उचित अहइ।
अउर उ हमरे गलत कामन स सुद्ध कर देत ह।

Forgiveness Scriptures

मत्ती 6:12-15 हमार पापन क छमा करा जइसे हम छमा कीन्ह आपन अपराधिनका। 13 जिन ल्या कठिन परिच्छा भारी हमका ओसे बचावा जउ उन दुस्ट (सइतान) स अहइ।

14 यह बरे जदि तू लोगनक अपराधे क छमा करब्या तउ तोहार सरने क परमपिता भी तोहरे पाप छमा करी। 15 मुला अगर तू लोगनक छमा न करब्या तउ तोहार सरने क परमपिता भी तोहरे पापनक छमा न करी।

मत्ती 18:21,22 फिन पतरस ईसू क लगे गवा अउर बोला, “पभू, मोका आपन भाई क केतनी दाई आपन खिलाफ जुर्म करइ प छमा कइ देइ चाही? जदि उ सात दाई जुर्म करइ तउ भी?” 22 ईसू कहेस, “न सिरिफ सात दाई, मुला मई तोहसे बतावत हउं तोहका ओका सतहतरदाई तलक छमा करत जाइ चाही।”

मत्ती 18:35 “तउ जब तलक तू आपन भाई बंद क आपन मनवा स छमा नाहीं कइ दिहा मोर सरने क परमपिता भी तोहरे साथ वइसा ही बेवहार करी।”

मरकुस 11:25/26 अउर जब कबहुँ तू पराथना करत खड़ा होइ जा तउ कउनो कि खिलाफ तोहका सिकाइत होई तउ ओका तू छमा कइ द्या जइसे सरने में स्थित तोहार परमपिता तोहरे पापनक छमा कइ देई।”

लूका 6:37 “कओ क दोखी जिन कहा तउ तोहका भी दोखी नाहीं कहा जाइ। कओ क नोक्तीनी जिन करा तउ तोहार भी नोक्तीनी नाहीं कीन्ह जाइ। छमा करा, तोहका छमा मिली।

लूका 11:4 हमार अपराध छमा करा, काहेकि हमहुँ छमा कीन्ह ह आपन अपराधी क, कठिन परीच्छा में हमें जिन डावा।”

लूका 17:3,4 होसियार रहा। “जदि तोहार भाई पाप करइ तउ ओका डाटा अउर जदि उ आपन किहे प पछताइ तउ ओका छमा कइ द्या। 4 अगर हर दिना उ सात दाई पाप करइ अउर सातहु दाई लौटिके तोहसे कहइ कि मोका पछतावा अहइ तो तू ओका छमा कइ द्या।”

लूका 23:34 ऐह पइ ईसू बोला, “हे परमपिता, ऐनका छमा कर्या काहेकि इ पचे नाहीं जानतेन कि इ सबइ का करत अहई।” फिन उ सबइ पाँसा फेंकिके ओकरे ओढ़ना क

बाँटि लिहना।

प्रेरितन क काम 8:22 यह बरे आपन इ दुस्तता बरे मनफिराव अउर आपन कुकरम प पछतावा करा अउर पर्भूस पराथना करा। इ होइ सकत ह कि इ बिचार बरे तोहका छमा कइ दीन्ह जाइ जउन तोहरे मने में रहा।

रोमियन 4:7 “उ धन्य अहई जेनके व्यवस्था रहित कामन क छमा मिली अउ जेनके पापन क मूँद दीन्ह गवा।

इफिसियन 1:7 हमका, ओहमाँ ओकर लहू क द्वारा छुटकारा, अर्थात् हमरे अपराधन क छमा ओकरे अनुग्रह क धन क अनुसार मिली ह। ओकर सम्पन्न अनुग्रह क कारण हमका हमरे पापन क छमा मिलत ह। अपने उही पिरेम क अनुसार जेका उ मसीह क द्वारा हम पर परगट करइ चाहत रहा।

इफिसियन 4:32 परस्पर एक दूसरे क बरे दयालु अउर करुनावन बना। अउर आपस में एक दूसरे क अपराधन क वइसेन ही छमा करा जइसे मसीह क द्वारा तोहका परमेस्सर छमा किहे अहइ।

कुलुस्सियन 1:14 ओह बेटवा क जरिये ही हमका छुटकारा मिला बा आनी हमका मिली बा हमरे पापन क छमा।

कुलुस्सियन 2:13-15 अपने पापन अउर अपने खतना रहित सरीर क कारण तू मरा भवा रह्या परन्तु तोहे परमेस्सर तउ मसीह क साथे साथे जीवन प्रदान किहेस अउर हमरे सब पापन क मुक्तरूप स छमा कइ दिहेस। 14 परमेस्सर तउ हमरे ओह उलटा करजा क जेहमन हमरे द्वारा परमेस्सर का नियम तोड़ा गवा नियमन क सूचीबद्ध किहे रहा। जेहका पालन करइ मैं हम असर्मथ रहेन। ओका बेकारइ ठहराइ दिहेस अउर ओका क्रूस पर कीलन में गड़िके हमरे राह स दूर हटाइ दिहेस। 15 परमेस्सर तउ क्रूस क द्वारा आध्यात्मिक सासकन अउर अपने अधिकारियन क साधन बिना कइ दिहेस अउर अपने में सार्वजनिक तमासा क रूप में विजय अभियान में अपने पीछे पीछे चालायेस।

1 यूहन्ना 1:9 यदि हम आपन पाप क मान लेइत ह तउ हमरे पापन क परमेस्सर छमा कइ देत ह, परमेस्सर बिसवासनीय अहइ, अउर उ जउन करत ह उ उचित अहइ। अउर उ हमरे गलत कामन स सुद्ध कर देत ह।

1 यूहन्ना 2:12 पिआरे बच्चो, मई तोहका इ बरे लिखत अहउँ, काहेकि ईसू मसीह क कारण तोहरे पापन क छमा कइ दीन्ह गवा अहइ।